



I. O. Slangendorp

De

Magistratu politico.

Hafniæ 1596.






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1501 4°









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1501 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1501 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1501 4°



4. - 69.


DA BOX

LN 1501


M













CORRVPTELIS VE  
RÆ DOCTRINÆ DE MAGISTRA  
TV POLITICO, THESES PA VCÆ  
*oppositæ, & testimoniis sacre scripturæ  
firmisimisque rationibus cono  
firmatæ, ad quas*

*Andreas Joannis R.*  
PRÆSIDE

IOHANNES OLAI SLANGEN.  
DORPIO 28. Iulij

*Respondebit*

ESBERNVS GEORGII SAMSINGIVS.




HAFNIÆ.

Excudebat Matthias Vinitor,  
Anno Domini,

M. D. XCVI.



# PROPOSITIO.

um non desint, qui magistratum politicum ab Ecclesia exterminandum esse censeant, precium me operæ facturum existimo, si vice hac de Magistratu politico publ. disputem: ut iuuentus discat Rempubl. quamuis, sine magistratu & principe neq̃ institui, neq̃ conseruari posse, nisi ἀκέφαλον eam esse velimus, quod nequaquam conuenit, sed naturæ est aduersum.

## QVÆSTIO.

Quæritur ergo an potestas, quæ gladium gestat, in terra omnium sit Suprema, cui quicunq̃ hîc vitam degunt, Subiecti esse debeant, an non?

## ORDO

Ad hanc quæstionem ut rectè respondeatur, de tribus rebus ordine dicendum est. 1. de origine Magistratus, an ejus ordinatio & functio à Deo sit & Deo probetur. 2. Quotuplex & quid sit. 3. Quare sit & quæ ejus effecta, quibus præmissis, ad quæstionem facilis erit solutio.

## THESIS. I.







Quod Deus ipse initio reges, principes & magistratus instituit, eos gubernauit & conseruauit aperte docent sacra Scriptura. Syracid. 17. v. 4. Prouerb. 8 v. 16. Sap. 6. v. 4. 2 Reg. 6. v. 21. 1 Paral. 28. v. 4. Sap. 9. v. 7. 2 Paral. 36. v. 23. Daniel. 5. v. 18. Deut. 1. v. 15. & 16. v. 15. Ioan. 19. v. 11.

II.

Idem testatur quoque Deus multis variis & amplissimis Titulis & Epithetis, quibus magistratus politicus ornatur in sacris literis. Vocantur enim Magistratus 1. in scripturis ANGELI DEI, 2. Reg. 14. v. 27. & 19. 2. SALVATORES, cum per hos salus hominum pariter temporalis & aeterna promoueatur, Genes. 50. v. 20. Iud. 3. v. 9. & 15. Iud. 2. v. 16. 3. DEI appellantur ratione officij, quod loco Dei in hoc mundo res administrent. Psal. 135. v. 2. 96. v. 4. Psal. 82. v. 1. & 6. 4. PASTORES hominum, tam defendentes quam pascentes subditos. Num. 27. v. 17. Psal. 77. v. 72. Ierem. 13 v. 20. 25. v. 34. Esa. 44. v. 28. 5. Conferuntur quoque fertilibus arboribus & vitibus, praebentibus simul victum & umbram seu defensionem, Ezech. 31. v. 3. Cant. 2. v. 3. & 4. v. 3. & 13. Ezech. 17. v. 6. & 7.

III.

Sanctus quoque vates Daniel non tantum Monarchias à Deo esse, & ab eo institui & gubernari ostendit, sed

A 2

etiam



etiam addit: Laudetur nomen Domini à seculo in seculum, cuius est omnis sapientia & potentia.

IV.

Cùm autem magistratum Dei ordinationē esse constet, omnibus temporibus populi cultiores & sapientes, semper aliquos magistratus habuerunt, & nunc quoq; prudentiores populi suos habent magistratus, & eodem modo ad extremum usq; diem fiet.

V.

Quinetiam nullo tempore Israëliticus populus adeò miser & afflictus fuit, atq; post Samsonis mortem, cùm nullus in Israële magistratus esset, sed unusquisq; suo arbitrio viueret. Tum enim rapinæ, seditiones, bella, cædes fiebant, & miser eorum status erat. Alijs etiam temporibus magni tumultus orti sunt, cùm impij officium suum ad quod erant à Deo vocati negligenter administrarent: Prouerb. 11. v. 14. Num. 27. v. 17. Habac. 1. v. 14. Sed imperantibus pijs & grauib; hominibus, quales fuerunt Ioseph, Genes. 42. Moses Exod. 4. Iosue Deut. 34. Gedeon Iudicum 6. Dauid 1 Reg. 16. Ezechias 4 Reg. 11. Iosias 22. Daniel ejusq; socij Daniel: 6. Mardocheus Esther. 8. & similes, felix quoq; & tranquillius fuit status populi Israëlitici, id quod prolixè docent & confirmant Sacrae literæ. Atq; hætenus de origine & institutione magistratus.

VI.

Cæterum de deriuatione vocis Magistratus, non est quòd curiosè laboremus: sed volunt quidam magistratum à ma



à magistris dictum esse, & representat potestatem & officium eorum, qui subditis vel populis aut jure hereditario dominantur, aut per liberam electionem præficiuntur. Magistrum autem deducunt vel ab adverbio magis, quod magistrum alijs dignitate ac potestate præcellant, vel à μέγας græca voce, quæ significat maximum & amplissimum, vel à μεγιστάνες magnatibus Marc. 6. v. 21. δὲ πρῶτον ἐπὶ τοῖς μεγιστάσι Apocal. 6. v. 15. καὶ οἱ μεγιστάνες & 18. v. 23. ὅτι οἱ ἔμποροι οὗτοι ἦσαν οἱ μεγιστάνες τῆς γῆς. Quicquid tamen sit, siue à græcis vocib. siue ab adverbio deducatur, omnino magistratus, potestatem & officium summum notat.

## VII.

Magistratum alium dicimus esse politicum alium Ecclesiasticum. 1 Cor. 12. v. 28. & 29. Ephes. 4. v. 11. Act. 20. v. 28. 1 Timoth. 5. v. 1. & 3. v. 8. &c. sed nos de politico hoc tempore disputamus, quem P. M. Philippus Melancthon definit esse, qui gladium gerat & civilem pacem tuetur. Ac alibi hanc definitionem copiosius explicans addit esse potestatem à Deo ordinatam, ut curam religionis habeat, sit custos utriusq. tabula mandatorum Dei, præscribat recta & utilia, puniat fontes ac innocentes defendat, cui obediendum non solum propter iram sed etiam propter conscientiam.

## VIII.

Has definitiones neminem adeò simplicem & imperitum esse arbitror, qui non clarè animadvertat desumptas esse ex verbis Pauli Rom. 13, & per illa confirmari.



## IX.

Docet enim Paulus apertè 1. Magistratum esse à Deo, ac Deum ordinare magistratum interdum immediatè interdum verò mediatè. 2. Quòd qui potestati seu Magistratui resistat, resistere Deo, qui ideo ipsum puni-  
turus sit, loquitur autem hæc Paulus ad Christianos, qui in Ecclesia Christi sunt. 3. Observatione etiam dignum est, quòd magistratum etiam ministrum Dei nominet. 4. Docet quare magistratus à Deo sit institutus in bonum, ad bonos tuendos ac defendendos, ad exterrendos & puniendos malos. 5. Non temerè illi gladium à Deo, hoc est, vindictam & potestatem puniendi datum esse. Debere enim ipsum vindictam Dei erga malos exsequi, ideoque Deus antequam magistratus ad Christianos delati essent, quandoque defensione gentilium magistratum ad Ecclesiam tuendam usus est: quemadmodum in Paulo apparet. 6. Quoniam magistratus in bonum humani generis institutus est, obiter ostendit, quinam se potissimum magistratus tui opponant, nempe qui quod malum est faciunt & tamen impuniti esse cupiant. 7. Docet Paulus obtemperandum magistratui, libenter id quod illi debetur persolvendum, ac ipsum denique pertimiscendum & honorandum.

## X.

Et si autem ex hoc loco Pauli tertium emergat, nempe, quæ sint effecta Magistratus Christiani: tamen cum Anabaptistæ impudenter & contra conscientiam hanc doctrinam vellicent & damnent, omissa alia definitionum

ævo.



ἡ ἀναλογία, tantum quædam eius membra repetam, ex quibus quæ præcipua sunt munia magistratus politici pateſcet.

XI.

Sed prius nihilominus monendi sumus, magistratum politicum bifariam se habere, superiorem siquidem esse atq; inferiorem.

XII.

Superiorem eum appellamus, cui in sua Republ. potestas est prima, ut qui pro sua auctoritate legem in ea figit atq; refigit: id quod regum atq; principum est, quibus sua regna & sue provincie contingunt. Matth. 20. v. 25. & 22. v. 38. Act. 25. v. 12. 1 Pet. 2. v. 13. Prouerb. 20. v. 28.

XIII.

Cæterum quia omnem populi multitudinem soli gubernare non possunt, maximè per singulos cœtus necessum est habere, quibus administratio ex parte committatur, quem inferiorem magistratum dicimus: ut qui à superiori pendet, & negotia maiora ad eum refert: qui ut & ipse in officio sit, principis interest. Exod. 18. v. 21. Prouerb. 11. v. 14. Sap. 6. v. 26. Iosu. 23. v. 2. & 24. v. 1. Iosephus libro 2. Antiquitatum Cap. 13.

XIV.

Ex definitionibus & loco Pauli ergo nunc perspicuè inferimus, i. officium eius, qui Christianus & sanctus Magistratus esse voluerit: omnem diligentiam adhibere, ut sit custos utriusq; tabule, ac proinde ut in primis instituat ac tueatur purum Dei cultum, quarum rerum rationem reddet in seверо Dei iudicio, quo ille mundum iudicaturus est.

Verum



## XV.

Verum quia hanc Thesin nostram impugnant primum Anabaptistae, qui contrariam sententiam firmiter retinent, ac docent magistratum non posse neque debere curare res & negotia Religionis. Deinde in hoc dogmate consentiunt magna ex parte Romanae Ecclesiae primates, qui Caesares, Reges, Principes & omnes denique magistratus à negotiis fidei & Ecclesiae remouerunt, & ea sibi soli vendicarunt, jamque à multis admodum annis miris fraudibus & artibus, magno Ecclesiae & fidei damno obtinuerunt, necesse est ut hanc assertionem scripturae testimoniis diligenter muniamus, ita ut cuius appareat pios magistratus politicos à fidei negotiis non esse exclusos.

## XVI.

Ex innumeris igitur haec pauca aduersariis obijcimus Deut. 17. v. 18. 2 Reg. 23 v. 2. 2. Paral. 29. v. 3. & v. 15. & v. 17. Psalm. 23. v. 9 & 10. Sap. 1. v. 1. Esa. 49. v. 23.

## XVII.

David quoque quoniam sciebat hanc primam curam ad reges & magistratus pertinere, ut Religio Dei rite disponatur, hortatus est eos ad id officii Psalm. 2. v. 10. dicens: Et nunc reges intelligite &c. Salomon quoque superiorem religionis curam sustinuit, non in aedificando tantum templum Domini, sed & consecrando & inaugurando. 2 Paral. 6. cap: toto, Aza Rex Iudae religionis curam gerens, abstulit idola de omni terra Iebudah & Benjamin, & ex urbibus quas ceperat montis Ephraim ac dedicauit



dicaui altare Domino, quod erat ante porticum Domini.  
Consimiliter fecit & Iosaphat Rex Iehudah 2 Paral.  
17. Ezechias quoq. potentissimus Rex, vestigia Davidis  
sequutus, primam ac singularem curam reformandæ reli-  
gioni impendit, 2 Paralip. 29. 30. 31.

### XVIII.

Ex his paucis manifestum esse spero I. ea potissimū  
à magistratu curanda esse, quæ ad Publ. salutem & felici-  
tatem conseruandam faciunt. Atqui fides seu religio  
præcipuè facit ad conseruandam salutem & felicitatem  
populi. Ergo magistratus præcipuam fidei ac religionis  
curam sustinere debet.

### XIX.

2. Si Deus ipse populi sui magistratibus, legis librum  
dedit, & hunc legere atq. ex eo omnia administrare iussit,  
Vnde etiam huius mandati ratione p. magistratus, iudice-  
tes & reges, fideliter ea quæ ad fidem pertinent curarunt,  
promouerunt, & defenderunt veram religionem, falsam  
autem sustulerunt & proscrisperunt: Consequens est cultū  
ac religionem ad ipsos pertinere. Atqui primum sic, ergo  
quoq. & posterius. Iosu: 1. v. 8. 4 Reg. 22. v. 8.

### XX.

3. Si reges & principes Christianos, fore Ecclesiæ nu-  
tritios, Spiritus Sanctus prædixerat, fieri illud sanè non  
potest, si nullam religionis curam habeant. Atqui illud

B

Esa,



Esa. 49. v. 23. prædixit. Ergo & rectè consequitur alterum, ac per consequens illi in quibus hæc prophetia completa fuit, religionem & fidem curarunt.

## XXI.

Sic Constantinus Imperator, idolorum templa claudere iussit, & synodum omnium vel saltem præcipuorum ministrorum verbi, Niceam Bythinie conuocauit, propositoq; nouo ac ueteri testamento, iussit ex illis absq; contentione, controuersa dogmata explicare & confirmare. Vnde Eusebius ipsum l. 4. libro de uita Constantini, uniuersalem Episcopum Ecclesie Christi nominauit.

## XXII.

Valentinianus, Gratianus & Theodosius Imppp: publico edicto falsam doctrinam prohibuerunt, & omnes per uniuersum imperium, eam fidem ut veram amplecti iusserunt, quam Christus Seruator & eius sancti Apostoli docuerunt.

## XXIII.

Plura huius generis exempla commemorare possem, nisi his satis confirmatum esset, Christianum magistratū posse & debere Religionis curam suscipere. Sicut ergo nugæ Anabaptistarum pios magistratus non permouere: sic quoq; eosdem impuri Papistæ minimè turbare debent, obgannientes: non pertinere ad eos vel minimam religionis admini-



administrationem, sed omnem administrationem spiritualibus relinquendam esse.

#### XXIV.

Nam quisquis aliquem Dei sensum habet, facile intelligit principum & magistratum quorumlibet, quibus Dominus merum imperium deputavit, cum necessariis legibus, tum omni Reipub: administratione, munus esse, apud suos procurare, ut Religio Christi rectè habeat, & apud subditos Evangelium Christi purè doceatur, consonæ huic Ceremoniæ habeantur, nullus sit falsæ doctrinæ aut superstitioni locus. Itaq; quod Anabaptistæ acriter ac totis viribus contendunt, neminem ad verbum Dei, fidem ac bonum adducendum aut ulla vi cogendum, neq; etiam quemq; propter fidem ac Religionem, puniendum aut interficiendum esse, delirantium hominum somnium est.

#### XXV.

Nam quia non omnes subditi sunt boni sed pleriq; adeò mali, ut parùm curent pias conciones, iustas leges, ac constitutiones principum honestas, nisi etiam accedant contra ipsos gravissimæ corporales pœnæ, administrent quoq; magistratus iustitiam gladio, quo divinitus sunt armati, tam ad promouendos & defendendos bonos, quàm puniendos malos & rebelles, Deut. 13. v. 5. & 17. v. 7. Psal. 106. v. 43. Prouerb. 20. v. 2. Psal. 100. v. 8.

B 2

Nec pu



## XXVI.

Nec puniant tantum quæ cum secunda: sed etiam prima Decalogi tabula pugnant, nempe manifesta scandala & flagitia, ut Epicureum publ. ministerij Ecclesiastici contemptum & blasphemias nominis diuini. Daniel. 3. v. 7. Leuit. 24. v. 14. 4 Reg. 23. v. 24. 1 Reg. 8. v. 3. Nebem. 13. v. 19.

## XXVII.

Manicheorum, Donatistarum ac aliorum hæreticorum iste furor fuit, principes, quemq; in causa Religionis debere suo relinquere arbitrio. Quem errorem D. Augustinus testimoniis sacræ scripturæ fortissimè retundit in libris, quos contra utramq; luem scripsit, præcipuè uero in Epistola ad comitem Bonifacium de correctione Donatistarum &c.

## XXVIII.

Sicut ergo Religio primam curam magistratus poscit: Sic quoq; ad officium eiusdem spectat, ius dicere, iure gladij contumaces occidere, bonos tueri ac præmiis ornare, apud eundem Christianos posse causas ac controuersias suas proponere, ac deniq; coram ipso legitime disceptare & contendere, & hoc esse in deo gratam ac acceptam. Ierem: 22. v. 3. Psalm. 62. v. 3 & 4. Rom: 13. v. 3. Genes. 9. v. 6. Proverb. 16. v. 12.

## XXIX.

Cum autem hætenus de præcipuis muniis magistratus

tus



tus dixerimus, quibus etiam multa alia includuntur, à quibus breuitatis gratiâ supersedemus, ne oneri simus lectori, nunc ad quæstionem initio propositam respon-  
debo.

### XXX.

Itaq; ex his quæ hæcenus præmisimus, effectum iam est & euidenter constat: Potestatem in quavis Republica quæ gladium gestat, de qua nimirum in præ-  
senti disserimus, esse in terris omnium supremam, cui subiecti addictiq; esse debent, quicumq; in seculo uiuunt, & à qua subiectione nec Religio eximitur, nec quicquam aliud.

### XXXI.

Huius verissimæ responsionis hæc irrefragabilis euidentissimaq; ἀποδείξις est. Cui potestati in terra omnis anima, id est quicumq; hic uiuunt, etiamsi Apostoli sint, Euangelistæ & Prophetæ, Papa, sacerdotes & monachi, subijciuntur necessario, sicut iubente Deo, ea utiq; prima omnium potestas est in terra, & debent illi subiecti esse, quicumq; hic uitam degunt. Acqui talis est potestas quæ gladium gestat. Ergo potestas quæ gladium gestat in terra omnium suprema est, eiq; nemo non mortalium subijcitur necessario, ita iubente Deo. Maior per se nota est. Cui enim potestati nemo non subiectus est, ea utiq; potestatum omnium suprema est. Iam per omnem



animam ab Apostolo intelligi, quicquid hominum hic  
uiuere, non Chrysostomus solum: sed omnis uetus purior  
Ecclesia agnoscit, ut id passim apud omnes sanctos  
patres legimus. Atqui hanc supereminentem potesta-  
tem, cui Apostolus cunctos subijcit, esse eam, quæ gla-  
dium gestat, ipse Apostolus exponit dicens: Non ge-  
rit gladium frustra: Hac itaq; demonstratione quid eni-  
dentiùs? quid clariùs?

### XXXII.

Si ergo potestas quæ Gladium gestat omnium su-  
prema est, primum hoc consequitur, quod ius habeat ma-  
gistratus, exigendi à subditis tributa & uectigalia, Rom:  
13. v. 6 & 7. usq; non solum ad publ. muneris sui onera  
sustinenda uti debet: verumetiam uti eis licet, ad splendo-  
rem domesticum & dignitatem suam tuendam. 1 Samuel:  
8. v. 11. Genes. 44. v. 22. & 23. Daniel. 2. v. 48. Ge-  
nes. 40. v. 20. 2 Paralip. 18. v. 2. Deinde & hoc sequi-  
tur subditorum erga suos magistratus officium esse 1. pro  
iis orare, eosq; suspicere 1. Timoth. 2. v. 2. ac reuereri ut  
Dei ministros ac legatos, Rom. 13. v. 7. & 13. v. 14. De-  
inde ut propensis in eorum obseruantiam animis, suam illis  
obedientiam approbent, & non solum propter iram: sed e-  
tiam propter conscientiam 2 Pet. 5. v. 13. & 14. 1 Pet. 4. v.  
15. 3. ac si etiam tyrannicè, iniuste & impotenter impera-  
rint, obediendū esse, dummodo nihil mandent quod Deus  
uult, nihil uè vetant quod Deus mandauit. Nam in hoc  
casu



casu tenenda est regula Petri. Act. 4. v. 19. Matth. 22. v. 21. 8

XXXIII.

Atq̃ cum haecenus dictum sit, unde habeat originem magistratus, tum quotuplex & quid sit, ac tertio quae sint eius praecipua effecta, reliqua innumera quae huc spectant, hoc tempore omittimus, ac Deum oramus, ut eos quibus ipse gladium dedit, doceat etiam eo legitime uti, & improprie dare operam, ut officium & vita eorum recte habeat, qui in hoc constituti sunt, ut sint sal terrae & lux mundi, quibus munus suum rite obeuntibus, necesse est, esse salva reliqua omnia, negligentibus uero, aut ut iam saepe & passim fit peruertentibus, oportet ut reliqua intendant & cadant recte constituta.





